

Aðalfundur Prentsöguseturs 4. maí 2019

haldinn að Stórhöfða 31. Tólf fundarmenn mættir.

- 1) Sæmundur Árnason var kosinn fundarstjóri og Þóra Elfa Björnsson fundaritari.
- 2) *Formaður bauð fundarmenn velkomna* og sagði frá starfi félagsins. Hann lýsti undirbúningi sem er í gangi við að undirbúa opnun sýningar í húsnæði Bókamiðstöðvarinnar að Laugavegi 29. Rvík. Fór yfir helstu vélar sem þar eru, lýsti læstum glerskápum sem eru á staðnum til varðveislu á gömlum prentgripum og sagði frá fleiri tækjum og smáhlutum til sýningar. Hann þakkaði Þorsteini Veturlíðasyni sérstaklega fyrir mikla og góða hjálp við allt þetta tilstand. Þá sagði Heimir að margar góðar gjafir hefðu borist að setrinu. Hann taldi að hægt yrði að opna sýninguna í haust, halda þar fræðslufundi og kynningar o.fl. Gera þarf yfirlit yfir staðsetningu gripanna og gera áætlanir svo afhenda megi nýrri stjórn á árinu 2020 á 490 ára afmæli prentunar á Íslandi. Hann óskaði eftir því að yfirstandandi stjórn fái að starfa áfram þar til að afhendingu kemur.
- 3) *Reikningar félagsins.* Gjaldkerinn, Svanur, sagði 132 skráða í félagið, skýrði reikninga félagsins. Innkoma voru félagsgjöld kr. 396.000 og frá stuðningsmönnum kr. 380.000. Tekjuafgangur var kr. 321.000. Félagið stendur vel, eigið fé í árslok var kr. 1.741.727. Ein athugasemd hafði komið frá öðrum endurskoðandanum um skort á húsaleigusamningum við húsnæðið á Laugaveginum og í Rósarima (geymsla) og hafði gjaldkeri svarað því til að húsnæðið að Rósarima yrði losað á næstunni og að unnið sé að gerð samnings um Lgv. Þá voru samningar samþykktir samhljóða.
- 4) *Lagabreytingar.* Bornar voru upp tvær tillögur um breytingar: a) við aðra grein um varnarþing félagsins sem var á Selfossi en *yrði í Rvík* og b) við þá áttundu um boðun aðalfundar sem mætti boða með *einnar viku fyrirvara* í stað tveggja áður. Báðar þessar breytingar voru samþykktar samhljóða.
- 5) Félagsgjöld hafa verið kr. 3000, samþykkt að hafa þau óbreytt.
- 6) *Kosning formanns.* Ekkert mótframboð kom við sitjandi formann og var hann samþykktur samhljóða.
- 7) *Stjórnarkjör.* Kjósa átti sex manns, fjóra í aðalstjórn og tvo til vara. Tillaga kom um Svan Jóhannesson, Sófus Guðjónsson, Katrínu Jónsdóttur, Hauk Má Haraldsson, Hjört Guðnason og Þorstein Veturlíðason og voru þau samþykkt samhljóða. Úr stjórn gengu Baldvin Heimisson, Þóra Elfa Björnsson og Þórleifur Friðriksson.
- 8) *Endurskoðendur félagsins.* Samþykktir voru til áframhaldandi setu þeir Ólafur Stolzenwald og Simon Knight.

Önnur mál. Ágúst Guðjónsson spurði hvort ekki væri rétt að stofna starfshóp sem í væri áhugafólk um þau efni sem tengdust setrinu. Var þessu vísað til nýrrar stjórnar.

Þá hófst *erindi Godds*, sem var gestur fundarins, um Sigmund Guðmundsson prentara og hans sjónarfs eins og stendur í titlinum. Var gerður góður rómur að erindinu sem var bæði fræðandi og skemmtilegt.

